

TE HAHURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 4.

Eperera 1926.

Mat. 20.

*Inaha, e tono na vau i te peropheta ra ia Elia ia outou
na, a tae atu ai i taua mahana rahi mata'u o Iehova ra: ia
faafariu oia i te aau o te mau metua e te tamaii e te aau o te
tamarii e to ratou mau metua, o te haere mai hoi au, e o te
tairi i te fenua nei i te ino. (Malaki 4:5-6.)*

Te Ohipa Mo'a

Nahea te faaoraraa i te mau taata i pohe? Aita roa'tu
teie nei uiraa i pahonohia e te mau haapaoraa. Aita i tia ia
haavahia ratou i te mau ture tei ore i itehia e ratou. Ua
ani-noa-hia e, "eaha te mea etupu i muri aê i te poheraa?"
Tera mai ia te pahonoraa, oia hoi, e ora noa â te Varua, e e
amuihia mai te ite e te paari o teie nei ao ia'na. No reira,
eaha te faufaa no te Evanelia ia tatou nei. Ua na ô maira
Paulo, "aore hoi au i haama i te Evanelia o te Mesia ra o te
mana ia o te Atua, ia ora te feia atoa i faaroo ra; te ati
Iuda na, e te H-leni atoa hoi. (Roma 1:16.) E te mau
taata atoa tei ore i faaroo i taua Evanelia nei i roto i teie
nei ao, e faaroo ia ratou, a tae atu ai ratou i te Basileia o te

ao ra. E no reira, I parau-atoa-hia'tu ai hoi te Evanelia i te feia i pohe ra, i faahapahia'tu ai ratou e te taata i te tino ra, te ora ra râ ratou i te Atua i te Varua ra. (I Petero 4;6)

I muri iti aé i to Iesu poheraa, ua aó atu oia i te Evanelia i te mau Vrua i te tapearaa, o tei haapao ore i te mau ture i te tau no Noa. No reira oia i parau atu ai e, Amene, Amene, e parau atu van ia outon, ua fatata e teie nei â te hora e faaroo ai tei pohe i te reo o te Tamaiti a te Atua, e te faaroo ra, e ora ia. E i reira, ua manaó ihora oia e, aita paha ratou i haroaroa i te mau parau ta'na i parau ra, e ua haapapu atura oia ia ratou i te na ô raa'tu e, "Eiaha e maere i te reira; te fatata mai nei hoi te hora e faaroo ai te feia atoa i roto i te apoo ra i tana reo." (Ioane 5:25,28.)

Te porohaerehia nei te Evanelia i te ao ra i teie nei â mahana. No reira, ua tupu te uiraa e, na vai teie ohipa e rave nei. Tera ia te pahonora, oia hoi, na te mau taata atoa o tei faaroo e tei haapao i te mau ture e te mau faaueraa o te Evanelia i roto i teie nei ao. E teie nei, aita e hope i te taio i te mau taata tei fariu mai i te Atua i tera ao. E te tia nei ratou e riro ei mau melo i roto i te Ekalesia o te Tamaiti a te Atua. Aita'tu e ravea ia riro ratou ei mau melo i roto i tana Ekalesia ra, maoti râ ia bapetizohia tatou no ratou. Aore ra, eaha ihora te feia i bapetizohia no te feia i pohe ra, ia ore roa te feia i pohe ra ia tia faahou? eaha ihora ratou i bopetizohia'i no tei pohe ra. (Korinetia-15;29).

Ua patuhia te mau hiero, mai te matamua mai â o teie nei ao, e na roto i te reira ua ite patu tatou e, e hinaaro mau ia o te Atua. E te patu noa nei â te Feia Moá i te mau Hiero o te Atua. E ua hau roa'tu teie ohipa i te hanahana i te mau ohipa'toa i horoahia mai i te taata nei.

Amene.

--Ioane Orotona

AIT

no te

U

Abera

E ere

ri aé i

farere

na par

oia i t

ia'na,

â van

eae ra,

ra e to

(Ioane

Metua.

vai ra

vahi at

ra, ea

Metua'

hiraa u

E

Paulo e

hoá ma

ta'na ra

e ana i

Manai

Setefan

atura i

i te tia-

55.) T

Te Atua te Metua.

AITA'TU e parau mana rahi aé i te mau reo atoa maoti râ te parau "Atua." O te hoé i'oa moá ia no te Arii rahi no te ao atoa nei.

Ua parauhia Tei hamani i te raí e te fenua, te Atua no Aberahama, no Isaata e no Iakobo. E vahi parahiraa to'na. E ere Oia i te Varua huru ore mai te haapiihia mai. Imuri aé i to Iesu Mesia tia-faahou-raa mai mai te pohe mai ua farerei Oia ia Maria. Aita Oia i itehia e Maria i reira, i to'na parau raara, ua ite ia oia e, o Iesu mau ia. Ua oaoa roa oia i te farerei faahou ia'na e ua fatata oia i te faatiaia atu ia'na, e ua na ô mai Oia e, "Eiaha e tapea mai ia'u; aore â vau i tae i nia i tau Metua ra: e haere râ oe i tau mau ta-eae ra, e parau atu ia ratou e, Te haere nei au i tau Metua ra e to outou Metua ra e i tau Atua ra e to outou Atua ra." (Ioane 20:17.) A tapao i te parau e, "Te haere nei au i tau Metua." Te haapii mai nei te reira parau ia tatou e, te vai ra to te Atua vahi parahiraa, E mai te mea tei te mau vahi atoa te Atua, mai ta vetahi mau haapaoraa i haapii mai ra, eaha Iesu i parau mai ai e, "Te haere nei au i tau Metua"? Na te reira e haapii mai ia tatou e, e vahi parahiraa mau to te Atua, e tei te raí to'na parahiraa.

E au hoi te Atua i te huru taata. Te haapii mai nei o Paulo e, "o te anaana hoi oia o to'na ra hanahana, e o te ho-hoá mau ia no'na iho, e te mauraa hoi i te mau mea atoa nei i ta'na ra parau mana, oti aéra ta tatou mau hara i te tamâhia e ana ia'na ihora, parahi ihora i raro i te rima atau o te Manai te vahiteitei ra. (Hebera 1:3) E teie hoi ia te parau a Setefano: "I aéra oia i te Varua Maitai, e hió tamau maite atura i nia i te raí, ite atura i te hanahana o te Atua e ia Iesu i te tia-maite-raa i te rima atau o te Atua ra." (Ohipa 7:55.) Te haapii pâpû mai nei te mau parau e, e huru taata

to, te Atua. Genese 1:26: Ua parau ihora te Atua, "e hamani tatou i te taata ma to tatou iho huru, ia au i to tatou iho hohoá." A taio i te Iakobo i te 3:9. "Te haamaitai nei tatou i te Atua ra i to tatou Metua i te reira: e te faaino nei tatou i te taata tei hamanihia i to te Atua ra hohoá i te reira." Ua na ô mai ra o paulo i roto i ta'na lata i to Philipi e, "Ia hoé atoa o ontou huru aau e to te Mesia ra to Iesu; o te huru ia oia no te Atua, (Philipi 2:5-6.)

Te haapii mai nei te mau parau Papai e, e nehenehe i te Atua ia faaroo i te parau, e e nehenehe hoi ia'na ia parau atu. Te haapii mai nei te hoé parau i roto i te Genese e, ua faaroo te Atua i te reo o te hoé tamaiti. (Genese 21:17.) Ua papai hia i roto i te Exodo e, ua parau atura te Atua i te tiaa rahi taata'toa. E i roto i te hoé o ta Ioane maulata ua papai mai oia e, "e aroha hoi te Atua." (1 Ioane 4:8.)

Na roto i to Iesu Mesia fanau-raa i roto i teie nei ao i te ai tatou i te huru mau o te Atua, no te mea e tamaiti Iesu Mesia i te paeau varua e i te paeau tino atoa, e no reira e huru taata Iesu Mesia e e huru Atua hoi. Hoé ahuru to'na fanau-raa-hia mai e to tatou. Ua fanau hia ma oia ei aiû aruaru. E ua tupu oia mai te mau tamarii rii. E ua farerei hoi oia i te mau ati e te mau peapea tei farerei-hia e te mau tamarii i teie nei anotaui, e no to'na huru Atua ua tia ia'na ia ore ia hara. I te hoé ahuru e ma piti o to'na matahiti ua haere atura oia i roto i te hiero e na paraparau oia i te mau taata paari no nia i te mau parau paari o te Evanelia. I to Iesu paariraa, aita i moe ia'na to'na huru taata, e ua parau mai te mau taata e, "E ere anei teie te tamaiti a te tamuta ra?" No te aha ratou i parau ai i tana parau ra? No te mea e huru taata to'na e aita ratou i manaó e, e tia i te tamaiti a te Atua ia riro ei taata mai ia ratou te huru, i te paeau tino.

Aita hoi i moe ia'na teie nei huru taata i muri aé i to'na faasatauro-raa-hia. I muri aé i to'na tia faahen raa mai,

mai te pohe mai, ua fâ maira oia i to'na mau pîpî i roto i te hoé piha, e ua manaó ihora te mau pîpî e, e varua anaé, e ua pahono maira Iesu ia ratou e, "A hió mai na i tau rima e tau avae; o vau mau â; a-fâfâ mai na ia ite; aita o te varua e ió e te ivi mai to'u nei, ta outou e hió mai nei." (Luka 24 39.) E i roto i taua tino hanahana i afaihia'i oia i nia i te raí i te parahiraa o to tatou Metua.

Ua parau mai o Philipa ia Iesu Mesia e, "E te Fatu, e faaite mai ia matou i te Metua atra'tu ai. "O to'u nei hoi parahiraa roa i ô outou nei e, e aore â oe i ite ia'u, e Philipa? o tei hió mai ia'u ra, ua hió ia i te Metua; eaha hoi oe i parau mai ai e, E faaite mai ia matou i te Metua?" Eaha mau ia te auraa o ta Iesu pahonora? Tera ia te pahonora hoé ahuru to'na hohoá i to te Metua, i te ao ra. Ua parau atu Paulo i te mau etene e, "o te anaana hoi oia o to'na ra hanahana, e o te hohoá mau ia no'na iho, e te maura hoi i te mau mea atoa nei i ta'na ra parau mana, oti aéra ta tatou hara i te tamâhia e ana ia'na ihora, parahi ihora i raro i te rima atou o te Mana i te vahi teiteira." (Hebera 1:3.)

E no reira, e tino ió e te ivi to te Atua. E huru varua e e huru tino hoi to'na. E au to'na hohoá i to Iesu Mesia.

E riro pahā te tahi mau taata i te ui mai e, "aita anei te Bibilia e parau mai e, "E varua te Atua?" Tera ia te pahonora, e, ua na reira mai te Bibilia, area râ, eaha mau ia te auraa no tana parau ra? Aita anei to te varua e huru. E huru hoi to te varua. Te tufaa rahi aé i roto i te taata nei o te varua ia. E nehenehe hoi ia tatou ia parau e, e varua hoi te taata nei; aita râ te reira i parau mai e, aita to'na e tino. E piti to te Atua huru, oia hoi, e huru tino ei e huru varua. E hoé ahuru tatou, e piti atoa to tatou huru.

E no reira, ua hamanihia tatou i te hohoá tia mau o te Atua. E tino tahuti ore e te hanahana to to tatou Metua, e e tino tahuti noa râ to tatou, e mai te mea e haapao tatou i te mau ture e te mau faaneraa o te Evanelia nei e riro hoe tatou ei mau Atua mai to tatou Metua i te ao ra, ia raa to'na i'oa moá e a mure noa'tu. Amene.

—Hebera Foutera

Te Taivaraa Rahi

Ua na ô maira o Isaia e, "Ua fanau mai hoi te tāmā na tatou, ua horoahia mai te hoé tamaiti na tatou; e nia i to'na ra taponu te hau vai ai: e mairihia to'na i'oa, ia Hau ê, e Aó, te Atua puai, te Metua no te ui a muri atu, te Arii no te hau." (Isaia 9:6) Ua ite papu tatou e, o Iesu ia tei paraubhia mai i roto i teie nei irava. Ua fanauhia mai oia i Betelehemua i Iudea i raro aé i te faatererā o te Hau Roma. Ehiópoa tatou i te mau haapaoraa e te mau faatere-
raa hau i te tau no to Iesu fanauraa. Ua haavī te hau Roma i to Iudea i te mau matahiti i mua iho i te fananraa o Iesu Mesia, e no reira, te auraro ra te Ati Iuda i te Hau Roma. I te reira tau, te haamori ra te mau taata'toa i te idolo, ma-
ori rā te Ati Iuda anaé, e ua haamori ratou i te Atua ora ra. Ua faatia rā te Hau Roma ia haamori te Ati Iuda, mai te au i to ratou mau manaó.

Na roto i te mau parau papai, ua ite tatou i te hurn no to Iesu fanauraa. Aita'tu rā e parau no to'na oraraa e tae noa'tu i te hoé ahuru ma piti o to'na matahiti. I reira rā, e taio tatou i te huru o to'na haerea i roto i te hiero, e te mau parau paari ta'na i parau ra. Ua moe-faahou-hia oia e tae noa'tu i te toru ahuru aore o to'na matahiti. I reira rā ua haere maira oia, mai te parau haere i te Basileia i te mau taata atoa. Ua faatia mai oia i ta'na Ekalesia i nia i te fenua nei, e ua tun maira oia i te mau toroa atoa i roto i taua Ekalesia ra, mai tei opuahia, mai te matamua mai ā o teie nei ao. E ia otí aéra, na parau atura oia e, "E te feia faa-roora, e riro ia ratou teie mau tapao; e hee te mau demoni ia ratou i to'u nei io'a; e parau hoi ratou i te parau apī: e rave noa hoi ratou i te ophi; e ia inu ratou i te mea taero, e ore ratou e ino; e ora hoi te māi ia ratou ia tun i to ratou rima i nia iho. (Mareko 16:17) Teihea te Ekalesia tei mau

toro
mea
ia te
Mes

i tat
rahi
e n
mai
pohe
roa-l

faate
lesia
tupu
apos

faah
Ekal
rave
"E
mai;
Ua a
mai
here
e par
(Ohi
te na
taata
vare
pohe
hopoi
rahi t
te eā
ratou

toroa i teie nei? Teihea hoi te Ekalesia o te rave i te mau mea i parauhia mai i roto i teie irava i nia nei? Tera mai ia te pahonoraa, oia hoi, hiópoa maitai i te Ekalesia a Iesu Mesia Nei.

E toru matahiti ta Iesu haapiiraa'tu i te taata, e i roto i taua na matahiti e toru ra, ua rave oia i te mau mea maere rahi i mua i te aro o te taata. Na roto râ i te ino o te taata, e na roto hoi i te ravea paari o te Atua, ua rave-ino-hia mai oia, e na faasataurohia ihora. Area râ, na roto i to'na poheraa na roaa mai te tia-faahou-raa ia tatou, e ua faaore-roa-hia te mau tapea o te pohe.

I muri aé i to Iesu poheraa, ua vaihohia mai te mana faatereraa i te mau aposetolo. E ua faatere ratou i te Ekalesia na roto i te mau heheuraa no ô mai i te Atua ra, e ua tupu te Ekalesia i te rahiraa. Ua maitihia o Matatia e aposetolo na roto i te pure faaroo.

Taie nei râ e hiópoa tatou i taivaraa o te Ekalesia, e te faahuru-ê-raa-hia o te mau ture e te mau toroa i roto i taua Ekalesia ra. Ua ite papu o Iesu e, e taiva te mau taata e rave rahi no te Ekalesia, no te mea, ua na ô atura oio e, "E rave rahi hoi te haere mai ma to'u i'oa, i te na ô ra mai; O vau te Mesia, e e rave rahi hoi te vare." Mat. 24:5 Ua ao atura Paulo e, "ua ite hoi au, ia reva ê atu vau e ô mai ai te uri taehae roa i roto ia outou na, e ore e faaherehere i te nãñã. E tia mai hoi te taata i roto ia outou iho, e parau mai i te parau pió ia peehia ratou e te pîpî." (Ohipa 20:29-30) Ua tohu o Petero no nia i te taivaraa i te na ô ra mai e, "E peropheta haavare hoi to roto i te taata Ati Iuda i mutua iho; e e riro atoa i te orometua haavare to roto ia outou, o te faatupu omoe noa i te hairesi pohe ra, e te faarueraa i te Fatu tei hoo ia ratou ra, i te hopoiraa mai i te pohe oioi i nia ia ratou iho. E e rave rahi te pee i ta ratou parau pohe; e no rotou e faainohia'i te eá parau mau ra. E no te nounou taoá ra, e taoáhia ta ratou parau haavare; Aita râ ta ratou utua i faaitchia i ta-

hito ra i faatautau, e to ratou pohe aore ia i varea i te taoto. (Petero 2:1-3) Na roto i teie nei mau parau, ua ite ai tatou e, ua ite-ê-hia no te taivaraa na te Ekalesia.

Te haapiihia ra te taaia i te mau hape, a vai ai te mau aposetolo i roto ia ratou ra. Tera ia te tumu Paulo i papai atu ai i Episetole i to Galatia ra, no te mea, ua taa e ia ratou te mau ture o te Evanelia o te Mesia. Ua ña-ô maira o Paulo e, "Te maere nei au ia outou i taa ê vave i tei haamanu ia outou i te aroha mau o te Mesia, i te Evanelia e; e ere râ i te tahi evanelia, te vai na râ tei haapeapea ia outou, e tei hinaaro i te ruri ê i te evanelia o te Mesia. Ia aó atu râ matou, eiaba'tu ia, o te tahi melahi no te raí mai, ia aó atu ia outou i te evanelia maori râ i tei aóhia'tu e matou ia outou na, ia riro ia oia ei anatema." (Gal. 1:6-9)

Ua na ô maira Paulo i to Tesalonia, "Te ohipa noa nei â taua ino moe ra i teie nei, o tei tapea râ i tei nei, e tapea mai a ia, e ia hopoi-ê-hia'tu a oia." (Tesalonia II 1:69) E hoa ino ma e, eaha taua ino moe ra i parahia mai i roto i teie nei irava? Aita'tu e pahonora e au ai, maori râ te taivaraa o te Ekalesia. E o vanu ia tei tapea i taua ino moe ra? maori râ te mau Aposetolo a Iesu. Ua faatere te mau aposetolo i te Ekalesia mai te au i te mau faueraa i horoahia mai e te Fatu, ia hopoi-ê-hia'tura ratou, na aha tei tupu i muriho. Ua tuuhia taua ino moe ra, oia, te taivaraa, e ua haamou-roa-hia i hora te evanelia hanahana i fautiahia e te Fatu i to'na ra anotau.

Ua hamani-ino-noa-hia te haapaoraa Chrisitiano e te mau haapaoraa êê atoa. Ua hamani-ino-hia ratou e te Ati Iuda e te hau Roma atoa hoi. Ua haamata mai te Ati Iuda i to ratou mau hamani-ino-raa i te Ekalesia, na roto i to ratou taparahi-raa i te Mesia. E mai reira mai â, ua ravehia te mau mea ino huru rau ei faaore i te Ekalesia. Ua faaite mai Iesu i to'nà mau pîpî i te mau mea e tupu i muri aé i i to'na ra pohe, (Ioane 16:2-3) e ua ite tatou e, ua tupu teie

nei n
lesia,
raa.

(Ohip
papu

Nero
aé ia
i rave
Roma
pari-l
e ua l

E

ino-ra

reira

muri

lesia.

Arii r

te feia

i patu

e fana

raa ha

roa-hi

fare i

huru

raa ha

te har

U

Ekale

teie n

taata.

Iesu M

e ua p

nei mau mea atoa. I te mau matahiti matamua o te Ekalesia, ua hurihia tetahi mau Aposetolo i roto i te fare tapearaa. (Ohipa 5:18) Ua pehikia Setephano i te ofai ia pohe. (Ohipa 7:54-60) E na roto te taioraa i te Ohipa 8:1, ua ite papu e, ua hamani-ino-hia te Ekalesia taatoa.

Ua haamatahia te mau haamani-ino-raa i te Ekalesia e Nero, te arii no Roma, ono ahuru ma maha matahiti i muri a'e ia Iesu. Ua itehia teie Arii no te mau mea faufaa ta'na i rave. I roto i to'na ra anatau, ua paapaa-roa-hia te oire Roma. Ua mana'ohia e, na'na iho teie ohipa ino i rave, ua pari-haavare-hia ra te Feia Chrisitiano ei otoheraa no'na, e ua hamani-ino-hia ihora ratou.

E maha matahiti i muri iho ua faaea teie mau hamani-ino-raa i te Ekalesia, a pohe roa'tu ai taua Arii ino ra. Mai reira e tae noa'tu i te matahiti e iva ahuru e ma toru i muri a'e ia Iesu, aita i rahi te mau hamani-ino-raa i te Ekalesia. I te reira matahiti ra, ua tapitihia te ohipa ino e te Arii ra o Domitiano. Ua na reira teie arii, no te mea, aita te feia Chrisitiano i faatura'tu e i haamori atu i te mau tii i patuhia i te oire ra i Roma. E ua faaroo atoa teie arii e, e fanau mai te ho'e no te utuafare o Iesu, e e riro te faatere-raa hau ia'na. Imi ihora o Domitiano i te ravea, e haamou-roa-hia'i te Feia Chrisitiano atoa. Ua arataihia taua utuafare i mua ia'na ra, e i reira to'na ite-raa'tu e, aita teie huru taata i hinaaro i te haapeapea atu ia'na, e te faatere-raa hau. No reira, faane ihora oia i te mau taata e faaea i te hamani-ino-raa i te Ekalesia, e ua na reirahia.

Ua haamata-faahou-hia te mau hamani-ino-raa i te Ekalesia e Taratana, te Arii no Roma. E arii maitai roa teie no te hau Roma, e ua tauturu noa oia i to'na ra mau taata. Ua faatia ra oia, ia haamani-ino-hia te Ekalesia a Iesu Mesia. E ua na reira atoa te mau arii i muri a'e ia'na, e ua paruparu roa te Ekalesia no teie huru ohipa ino ra.

(Tuatihia teie nei parau.)

Te Mau Parau Apî

Ua haapaohia te Amuiraa no te Ekalesia a Iesu Mesia i te Feia Moá i te Mau Mahana hopea nei, i Papeete i te 5 e te 6 no Eperera. Ua tairuru mai te mau taata no te mau fenua Tuamotu. Ua faatiahia na haapiiraa hohoá e piti, na to Takaroa te matamua, e na to Papeete te hopea. Ua tae mai te hui raatira o Papeete, e ua faaite mai i to ratou mauruuru. E mea faahiáhiá roa hoi te ohipa i ravehia e te mau taata maóhi.

Ua tupu te peapea rahi roa i te fenua ra i Mexico i te mau avae i mairi aénei. Tera ia te huru no taua peapea rahi ra, oia hoi, ua opani-etaeta-roa-hia te mau fare haapiiraa tei faaterehia e te mau Ekalesia. Ua faaite-papuhia mai te tumu i na reirahia'i, no te mea, te haapiihia ra te mau tamarii i te tahi mau haapiiraa tei patoi i te mau ture o te fenua. E rave rahi te mau Tahuá i tiavaru-êhia i rapae au i taua fenua ra. Eita roa e faatiahia ia haere faahou mai te mau Tahuá o te haapaoraa Katorika e faaitere i te haapiiraa no te tamarii.

I te matahiti i mairi aénei, i te fenua Amerika, ua tupu te hoé tamaí i roto i te hoé fare tamaaraa. Maitera te huru ua haere na taata e tootoru i roto i te hoé fare tamaaraa. E ua ani atu ratou ia afaihia mai te maa na ratou. Ia paia aéra ratou, ua faaite atura ratou e, aita ta matou e moni. Aita râ te Fatu o te fare, i farii i ta ratou i parau mairi. E no reira ua marô atu oia ia ratou. Tupu ihora te riri o teie na taata, e ua taora ratou i te mau mereti ia'na, tano ihora i nia i to'na upoo. No reira ua tupu rahi roa'tu te riri o teie taata Fatu, e no taua riri rahi ra, ua rave mairi i ta'na pupuhi, e ua pupuhi atura oia ia ratou.

Ua
i te mata
reó êê
maha m
atoa rat

Te t
tamaí ne
tahi â m
mau pal
Tinto e
mau hau

I te c
i rotopu
o Homera
te reira p
taparahi
ratou i to
ia'na. U
ia'u i o n
oia e ua t

I te a
ua faaitek
i'oa. E t
tei haapa
oia i piha
mai oia i
titau teie
pao i ta'n
e i te mau

Ua hoohia e iva bilioni Bibilia (9,000,000,000.) i roto i te matahiti 1925. E ua iritihia te reira mau bibilia ei manreo êê hoé hanere e pae ahuru (150). Ua haaponohia e maha milioni bibilia (4, 000,000.) i te fenua Tinito, ia ite atoa ratou i te mau parau hanahana i roto i tana buka ra.

Te tupu noa nei â te peapea rahi i te fenua Tinito, te tamaí nei ratou ratou iho. Ua finu roa te Hau Amerika e te tahi â mau hau rahi i te Hau Tinito, e ua tonono na ratou i te mau pahi manua i reira, mai te parau e, ia ore te fenua Tinito e faaore i ta ratou mau peu iino, e tamaí mai teie mau hau rahi ia'na.

I te oire ra i Center Point, i Amerika ua tupu te tama'i i rotou i na taata e toopiti, e ua taparahihia te hoé o raua, o Homera Gibisona to'na i'oa. A faaroo ai to'na mau hoa i te reira parau apî ino ra, ua imi haere ratou i te taata tei taparahi i to ratou hoa. I tana po ihora, ua tae atu ai ratou i to'na fare, tomo atura i roto, e ua rave ihora ratou ia'na. Ua pii atura oia ia ratou, eiaha outou e taparahi ia'u i o nei, i mua i to'u utuafare, no reira ua afai-ê-hia'tu oia e ua taparahihia ihora.

I te mau avaé i mairiaénei i roto i te Heheuraa Apî nei, ua faaitahia'tu te poheraa o te hoé taata ra o Siki to'na i'oa. E taata rahi oia i te ohipa moto. Ua tae mai te parau tei haapapu ia tatou i te huru o to'na poheraa. Ua haere oia i pihai iho i te taata tei hoo atu i te ava, e ua tarahu mai oia i tana a va ra. I te mau mahana i muri mai, ua titau teie taata hoo ava i ta'na tarahu, Aita râ Siki i haapao i ta'na titauroa, e no reira ua riri roa teie taata hoo ava, e i te mau mahana i muri iho, ua pupuhi oia ia Siki.

Te imi noa nei â te tahi pae o te taata i Amerika i te ravea e faahoîhia mai te ava i roto i te fenua Amerika. Aita râ to ratou mau opuaraa i manuîa, no te mea, ua ite te pae rahi o te taata e, ahiri te ava e faahoîhia i Amerika, e tupu te peapea rahi roa.

Ua iteahia te hoé taata i te fenua Amerika, e numera hoé oia i te raveraa i te ino ra. Tera ia te huru no te ino ta'na i rave, oia hoi, ua rave ino mai oia i ta'na tamaiti faaamu, e ua tairi puai roa oia ia'na, a pohe atu ai taua tamaiti ra. Tera mai ia te utuaraa i tuuhia mai i nia iho ia'na, oia hoi, e tapeahia oia i roto i te fare tapearaa no na matahiti e hoé ahuru e ma vau.

I te fenua Amerika i te avaé i mairi aénei ua rave te hoé tamahine i te ohipa ino roa, o Helena Birita te ióa no taua tamahinera, e hoé ahuru ma onô matahiti to'na. Ua papai atu oia i te lata i te hoé taata ona, o Choti Civota to'na i'oa. Ua faaite atu oia i roto i taua lata ra e, ia ore teie taata ona e haapono mai e hoé tauatini dala (1,000) ia'na, e taparahihia oia. Ia'na i farerei i taua lata ra, ua tupu te mataú i roto ia'na, haere atura oia i te Mutoi, e ua horoa'tu i teie lata ia'na. Imi ihora te mau mutoi i te vahi no reira mai teie lata. Aita râ i maoro to ratou imiraa, a iteahia teie tamahine apî. E ua faaite mai teie tamahine i te tumu oia i na reira'i, oia hoi, te hauti ra oia ia'na, e ua hinaaro oia i te haamataú ia'na. Aita râ ta'na parau i fariihia e no reira ua tuuhia oia i roto i te hoé fare i haapao-hia no te mau tamahine haapao ore.

O. B. Peterson, Imprimeur,

Rue Brea et de la rue Dumont d'Urville, Orovini, Papeete

I ne

Nu. 5

Ua
bapetizo
te hara,
(2:38.)

TE FA
tan
te piti ra
raro aé i
rima ia

E n
Tera ma
parau ta
Mataio
hareraa
te basile
ua tuu a
mau ta't